

Քրդական կռիւները ոչ վերջնական չաղթութիւն ու ոչ պարտութիւն ունին, որով և ոչ խաղաղութեան դաշի կընքուի: Կետեաբար միշտ արիւնհեղութիւն, սուր, ու կրակ, ստիպեալ ղլնադադար, և այսպէս շարունակաբար՝ իրենց երբեմն սուր ու երբեմն բութ վիճակով:

Օսմ. կառավարութիւնը որ իր նուաճումները աստիճան առ աստիճան և չրջան չրջան ըրած է, միշտ նուազ չափերէ բարձրանալով, այս անգամ կը նուաճէ նախ էրզրում բոլորովին, ու յետոյ միւս տեղերը. կը քանդէ բերդերը և Ալատլինի տունը, ու կը կործանէ Քիւրդական իշխանութիւնները, որոնք յայտնի իշխելէ դադրելով, իրենց սերունդները կը սովորին դաւադրական-Պաղանի իշխանութիւն վարել, և պարագաներու ներած ժամանակ՝ յայտնի ասպարէզի վրայ երեւնալ. Այսպէս է որ Քիւրդ այս ու այն պէյական իշխանութիւնը կը ցնջուի մի տեղ, և ծնունդ կառնէ մի ուրիշ տեղ, փոքր ու փոքր՝ ու իրարմէ միշտ անջատ:

Մինչև հիմա դեռ ողջ կը պատմեն՝ Մուշի այդ չրջաններու ծերունիները, որոնք միայն Տէրէպէյական իշխանութիւն տեսածու լսած են՝ այդ ժամանակները առանց Թիւրք իշխանութեան գոյութեան մասին տեղեկութիւն ունենալու, որը միայն տարեկան մասնաւոր տուրք մը կը գանձէր Տէրէպէյներէ ինչան տիրող լինելուն:

Ահա այսպէս է որ Քիւրդական անջատ անջատ իշխանութիւնները միշտ կը ջնջուին ու միանգամայն միշտ կը զօրանան: Խափիրութիւնը որ այս անունով միայն Մուշի չրջանի մէջ կը ճանչցուի և կը շարունակուի, ոչ թէ հարստահարութիւն մ'է ինչպէս չատերը կը կարծեն, այլ Քիւրդական իշխանապետութեան տուրքի մէկ տեսակը, որմէ չեն ուղիւր հրաժարիլ, հրաժարիլ տուրքէն, կը նշանակէ հրաժարիլ իշխանութենէն. ահա այստեղն է որ կ'ուրուագծուի դաւադրական գաղտնի իշխանութեան ձեւը:

Խափիրութեան մասին կը խօսինք իր տեղը: